



Балалар туризмі – болашаққа бағдар

ТЕГИСБАЙ М.Қ.

ОБЖТжЭО-ның әдіскері,
Ақтау қ., Маңғыстау обл.

Аннотация

Бұл мақалада мектеп туризмін дамытудағы атқарылып жүрген шаралар жайында айтылады. Соңғы кезде бұл тақырып өте өзекті. Мектеп туризмін дамыту, жастардың салауатты өмір салтына деген көзқарасын өзгертіп, туризмнің белсенді түрлері мен спортқа деген қызығушылығын арттырады.

Аннотация

В данной статье речь пойдет о предпринимаемых мерах по развитию школьного туризма. В последнее время эта тема очень актуальна. Развитие школьного туризма изменит отношение молодежи к здоровому образу жизни, повысит интерес к активным видам туризма и спорта.

Кілт сөздер: туристік слеттер, балалар, жасөспірімдер, спорт, виртуалды экскурсия, тапқыр гид.

Балалар мен жасөспірімдер туризмі - жеткіншек ұрпақты отаншылдық рухта тәрбиелеудің таптырмас құралы. Шын мәнісінде, мұғалімнің әңгімесі, бейнефильм немесе әдістемелік құралдар жанды саяхаттың орнын алмастыра алмайды.

Бүгінгі таңда, балалар - жасөспірімдер туризмі мен өлкетануды дамыту біздің мемлекетімізде өте өзекті мәселелердің бірі болып қолға алынып отыр. Елбасы Н.Ә.Назарбаев «Болашаққа бағдар: рухани жаңғыру» мақаласының «Өз жерінді танып біл» бастамасында елімізде жаппай мектеп туризмін қайта жаңғырту жөнінде тапсырма берді. Мектеп туризмін қайта жаңғыртуда қосымша білім беру ұйымдарына үлкен жүк артылып отыр.

2017-2018 оқу жылында осы бағыттағы жұмыстарды жандандыру, Отанына және отбасына, қоршаған ортасына деген сүйіспеншілігін, адам бостандығы мен құқығын құрметтеу, еңбекқорлыққа, азаматтыққа тәрбиелеу, мазмұнды демалыс ұйымдастыру, қоғамдағы өмірге бейімделу, балалар мен оқушы жастардың шығармашылық еңбегі мен кәсіби өзін – өзі анықтау,

денсаулықты нығайту, тұлғалық дамуына қажетті жағдай жасау мақсатында облыстық балалар мен жасөспірімдер туризмінің орталығы ашылды. Орталық арқылы туризм бағытында республика, облыс деңгейлерінде оқушылардың «Менің Отаным Қазақстан», «Жас өлкетанушы», педагогтер арасында «Европа – Азия» туристік слеттері, туристік шатырлы лагерьлер мен саяхат, жорықтары ұйымдастырылуда.

Осы орайда жастардың туристік-спорттық дайындығын дамыту және туристік көпсайысты насихаттау мақсатында, 2021 жылдың 28-29 қазан күндері Түпқараған ауданы, Форт - Шевченко қаласы, жекелеген пәндерді тереңдетіп оқытатын мамандандырылған мектеп-интернаты базасында білім беру ұйымдарының білім алушылары арасында 80-ге жуық қатысушыны қамтыған «Жас өлкетанушылар» облыстық туристік слеті өткізілді.

Слеттің негізгі міндеттері:

- Ізгі ниетті, ашық және көп мәдениетті жеке тұлғаны тәрбиелеу;
- жастарды туған өлкенің тарихи, мәдени және рухани мұрасына, кіші Отанын зерттеуге тарту;

- білім алушылармен туристік-өлкетану жұмысының дәстүрлі формаларын сақтау және жетілдіру, инновациялық формалары мен әдістерін дәріптеу;

- туристік-өлкетану бірлестіктерінде жинақтаған озық тәжірибелерін тарату;

- білім алушыларды іс-шараларға араластыру арқылы қосымша білім беру жүйесіндегі қамтылуын көтеруге жағдай жасау.

Ережеге сәйкес қатысушылар «Көңілді туристер», «Тапқыр гид», «Шынықсаң шымыр боларсың», «біріктірілген туризм» бөлімдері бойынша бақ сынасты.

«Көңілді туристер» бөлімі «Көңілді тапқырлар» таныстырылымы ретінде өтіп, «Тапқыр гид» номинациясында слетке қатысушылар экранда көрсетілген ұяшықтарды таңдау арқылы Маңғыстаудың тарихи-мәдени орындарына виртуалды экскурсия жүргізсе, «Шынықсаң шымыр боларсың» эстафеталық кезеңінде командалар кедергілерден өту арқылы сайысты.

Слеттің негізгі бөлімі «біріктірілген туризм» кросс-жорық туристік маршруты аспалы өткел, параллель сүйеніштер, вертикалды маятник, көтерілу және түсу, алау, траверс, бурелом кезеңдері бойынша өткізіліп, командалар өздерінің туристік біліктіліктерін, белсенділіктерін практика жүзінде көрсете білді.

Күтілетін нәтиже:

- Туризмнің белсенді түрлері мен спортқа деген қызығушылығын арттыру;

- Балалардың іздеу зерттеуге деген қызығушылықтарын арттыру;

- Жастарды туған өлкенің тарихын дәріптеуге тарту;

Жалпы айтқанда білім алушыларды түрлі сайыстарға баулып, туризм және өз өлкесін тануға деген қызығушылықтарын арттыру болып табылады. Бар мейірімізді тек балаларға беріп, қызықты сайыстар мен демалыстар ұйымдастырайық! Дені сау, рухы мықты азамат – еліміздің болашағы. Болашағымыздың кірпішін бірге қалайық!

